

الرشاد

س ۶ ۱ ۳ ۳ ۰ ۱ ۳ ۳

اتبعون اهدكم سبيل الرشاد

والله يهدي من يشاء الى صراط مستقيم ديني ، علمي ، ادبي ، سياسي هفتعلق بمجموعة اسلاميدر

صاحب ومدير مسئول : ح : اشرف اديب

جلد ۱ - ۸

۱۰ مارت ۱۳۲۸

پنجشنبه

۹ ربیع الآخر ۱۳۳۰

عدد ۴ - ۱۸۶

انکار دیمک اولیور . ایشته قیامت کوننه اینانیا نلر یا خود شک و تردده بولونانلر ؛ ینه اسامی اسلام آلتنده کندیلرینی مسلمان عم ایده دورسونلر ! بیلیمش اول ، که اسلامیت ؛ ایشته اوسنک سلسله احفادکله قائم . یوقسه سنکله برلکده دشمن آیاغی آلتنده ازیلوب پارچه لانان ، سنک خون آلود نیش بی روحکله مزاره کوموان اسلامیتک سکا فائده سی اولوق شویله دورسون قیامته قدر سنی تعذیب ایدر ! حضور احکم الحاکمینده ده کر بانه صاریله رق سندن دعواچی اولور .

محمد فخرالدین

بر عبرت مهیبه

۳

— علمای محترمه اسلامه —

مسقط اماملغنه تابع بولنان خطه عربیه برمدتن بری میسیونر - لک صوک درجه نظر دقتلرینی جلب ایتکده اولوب ۱۸۸۱ ده (هازی - مارتین) مسقط شهرنده : « البت اولاد عرب ایچین مستقبل قریبده بر دوره هدايت واردر . » ديه یازمش اولدینی کبی افریقانک اهمیت عظیمه سی اسلاملرجه اصلاطانماش اولان (اوغاندا) قطعه سننده چالیشمقده اولان (الکساندر - ماکی) عربلره بالذات که مهم مرکز مدیلرندن اولان مسقط شهرنده ارشاداته کیریشمکی اوزون بر لایحه ایله ۱۸۸۸ سنه سننده تا او موقع بعیددن طلب ایتش ایدی . (ماکی) بوراپورنده اسیر تجارتک ادا سندن منعی ، و افریقا قطعه سنک خاطری ایچین (مسقط) ک آله ایدیله سی لازم کادیکندن یک آتشین برلسان ایله بحث ایدیوردی :

« افریقای مرکزینک اختاری وظیفه سی کوره چک اولان مسقط تجارینک ، اهالیسینک نعمت خرسیتیانقی طاعتلری لازمدر . اولا : بوراده غایت قوتلی وفداکار بر میسیونر مرکزی تشکیلی لزومی قطعی کورینور ؛ وظیفه جدا مشکلدر و بوموقعده ایفای خدمت ایده چک ذواتک حقیقه روح قدسی حضرت یسوع ایله زنده بولمسنه ، خصوصیه مخاطبلرینک بالکیز قولاقلرینه دکل ، قلبلرینه قدرده اجرای تاثیر ایده چک کالات لسانیه بی حائر اولماسنه دقت و اهتمام ایدلملیدر . . . بوراده سنلرجه عبدالحمید ادا ره سنک مسکنتی ، ممنوعاتی ایچنده شهرلرمزک ، کویلمزک کوشه عطالتنده اویوشوب قالمش اولان بزلر مسقط سواحلی اهالی عربیه سنک سیاحت تجاریه ایله افریقانک نصل مظلم نقاطنه قدر نفوذ ایتدکارینی ، حق برچوق قبائلک محضابو اسلام و عرب تجارلرینک ممکن اوله بیلن تلقیناتیه ایچنده بیکلرجه سنلردر بوغوشدقنری ظلمت کفر و جهلدن قورتیلهرن قبول اسلام ایله - کارینی شبهه سز تفصیلات و اهمیت لازمه سی ایله نه ادراک ، نه ده تقدیر ایده بیلیرز . لکن بیکلرجه فلاکتلره ، یوقسز لقلره ، قتل عاملره ، علل مدهشیه رغماً افریقانک اعماقنه نفوذ ایدن میسیونرلر بوتائیری

بر شیرزیان اجداد عظامی (علیهم سحاب الرحمة والغفران !) آرن اوودلنی قتح ایدوب بزى دین حقه ارشاد و اهدا ایتمه مش اولایدیلر شمدی بن نه اولوردم ؟ جناب قرآن حکیمی نصل در اغوش ایده بیلیردم ؟ (محمد فخرالدین) اسم یا کنی بکا کیم طاقاردی ؟ اوف ! انسان ، بوالیم ، بو وجدانسوز سؤللرک جوانی در خاطر ایتدی کجه و اهمه سی ٹونندن مصر و علم کبی چار بیلیمق ، آغزندن ، بورسندن قانلی کویوکلر کله رک یرلرده یوار لائق درجه نه کلیور !

عبرت آله ! اندلسده کی عرب نسل مرتدینندن عبرت آله ! ایشته بن اونلرک بوابدی فلاکتلرینی اسبابیله برابر اجلا هر نظر حکیمک پیش عبرته قویدم . بوتون اسبابک مبدأ و منشائی جبل متین اتحادی خنجر شقاق و نفاق ایله کسمکدن ، پارچه لامقندن عبارت بونی اون یاشنده کی زکی برچوق بیله تقدیر ایدر ! شمدی سن ، نعمت ایمان و اسلام ایله افتخار ایدر و جناب وهاب کریم ایمانه حدوشن ایتکله دو یامازسک دکلی ؟

اوله اما باقی اتحاد دینی پارچه لایور ، وطن اسلامک بولندینی تهلکه انقراضی تعجیل ایدیور و بر آن اول او مدهش اوچور و مدن آشاغی یوار لامغه چالیشیورسک !

سن - عقلکجه !! - جنته کیده چک ، فقط اولادیکي بوتون نسل مستقبلکله برابر ، قوللرندن طوتوب جهنمک ایچنه آه جفسک انصل قیدیورسک ؟

هایدی او جکر باره نی ، اوسوکیلی حفییدیکی کندی ٹوزاللرکله بوره کک تیره مدن ، روحک صارصله مدن ، وجدانک قانامدن ، کوزلرک اغلامدن شو دنیا آتشنه آت باقیم اوزوالیلر آلور ایچنده دلخراش فریادلرله چایر چایر یانارکن سن جانسز بر هیکل کبی قارشیلرینه دیکیل ! بوتون دو مانلرینی صاوورتارق لاقیدانه سیرایت دور : اکر « ان کنتم تؤمنون بالله و الیوم الآخر ؟ ! اکر حقیقه اللهه و قیامت کوننه ایمان ایدیورسه کز . . . » نظم جلیل قرآنینه اینانیورسوق بودهشتلی صوک کون محقق !

سن اولادیکي ، هانی اوک خفیف بر احتسزلانندن صاراروب صولدیغک ، یمکدن ، ایچمکدن کسیدیکک و بلکده کوز یاشلریکی ضبط ایده ممدیکک اولادینی کندی ٹوزاللرکله آتشلره آتیورسکده خبرک بیله یوق !

بیلورمیز شو جمله جلیله نک تضمن ایتدیکی تهدیدک دهشتنی ؟ جناب علم بذات الصدور عدم علمی استلزام ایدن (شک) دن منز و متعالیدر . حالبوکه جمله جلیله بر شرطیه غیر جازمه شکنده شرف ایراد بو بوریلور . بو آیت جلیله ده دقت و تأمله شایان بر حقیقت ده وار : (الله) ه و قیامت کوننه ایمانک ادا عطف ایله یکدیگرینه - بلا استقلال مربوط بولمسی . معطوفده فعل ایمان - یعنی تؤمنون - اعاده بیوریلدینی کبی حرف جر اولان (یا) ده تکرر ایتیور . قیامت کوننه ایمان ؛ او قدر مهم ، اودرجه قطعی المطلوب ، که آنی انکار اللهی

اندیشه به محل یوقدر ؛ بوده یا غمور ایله نباتاتك عدم موجودیتدن
ودائماً اسن ماتم روزگارینك تأثیراتندن ایلمی کلیور. فی الحقیقه حرارت
صیف جداً مدھش ایسه ده صحت اوزرنده فنالق یا نماز. شبهه یوقدرکه :
(عدن) شهری بر انکلیز مستملکھسی ازمانسنه علاوتاً موقع جغرافیسی ،
داخل ایله موجود مناسبات سیاسیسی ، یمن ایله اولان تجارتی ،
اقایمک موافق بولماسی عرب و صومالی اهالیء مزوجھسی جهت لنجه
کرك افریقا و کرك جزیره العرب اسلامینه قارشی نشر خرسیتیانیت
ایچین اک مهم واک مرافق بر موقعدر .

« ایکنجی مسئله شودر : ایشه زهدن باشلامالی ؟ بنم فکر
(شیخ عثمان) حوالیسندن بر مکتب ، فقرای اطفال و یتیم ایچین
بر صنایع مکتبی و خسته خانه ایله معاونت طیبه مرکزی تشکیل
ایتمکدر ؛ بوراده هر پرده اولدینی کبی چوققلر بویوک آدمردن
زیاده امید بخش اولدقلمی کبی خسته خانه ایله معاونت طیبه خصوصی
ایسه اصل (شیخ عثمان) ده تأمین ایدهجکی فوائد عظیمه دن بشقه
داخله نفوذ ایده بیلیمکلمزده فوق العاده یاردم ایده جکدر .

« عدن ده بر چوق عادتا سوقاغه آیلیمش صومالی اسلام چوققلری
واردرکه : فقیر و سفیل اولان ابونی بونلرک باشقه بری طرفندن
تربیه ایلمه سنه ، اعاشه اولمانسنه بیک جان ایله روی رضا کوستریرلر .
ایشته بوسفیلر ایله یتیمر سوقاقلردن ، ظلمت گوشه لرندن طوبالانوب
دین خرسیتیانیت مال ایدیله رک بویوتیلمه لیدر . بو کوچک مهتدیله رک
هر حالده بر صنعت ایدیلمه لر لازم اولدیغندن کرك انکلتزدن ، کرك
هندستان مراکزندن هیئت ارشادیه من میانسنه مرانغوز ، دمبرجی ،
ویا خود دیکر صنایعدن برینه منتسب ذواتک کوندرلمه سنه انتظار اولنور .
انجق هیئتک اک مهم و اساس وظیفه سی برلی و افریقالی مهتدیلمزدن
علمای انجیلیه و واعظلر یتشدیرمک اوله جقدر . بویرلی و اعظلمک
خصوصات طیبه دن دخی حصه مند معلومات اولمارینه لزوم قطعی
واردر . طب و جراحیغه غائد خفیف ، سطحی بر معلومات ایله . بو
یکی و اعظلمر کندیلمی اوکنده بر چوق فرصت قایلیرینی آچیق
بوله جقدردر . مکتبه ایسه عربجه انجیل و دیکر کتب خرسیتیانیه
واسطه سیله او قومق ، یازمق ، حساب صورت عمومیه ده اوکره تیله جکی
کبی ترقی کوسترنلره علاوتاً انکلیزجه ، جغرافیای تاریخی ، هندسه
جبر ، و طبیعیات تعلیم اولنور . ابتدای امرده سوریه ویا مصردن
بر عرب معلم تدارک ایده بیلیرسه ک بزه بویوک فائده لر اوله جقدر .
اگر عدنک حوالیء داخله سنه ، یمنه دوغرو (شیخ عثمان) ده بر
مقدر حکیم و جراحک موجودیتی شایع اولورسه شیمدی
تا داخلندن عدنه دو قوتور آرامغه کان عربلر اورایه اوزامغه
احتیاج کرر مکمزین (شیخ عثمان) ده کی میسیونر مرکزمنک
قایلینده توقف ایده جکدردر . هله مقدر بر جراح پک آز زمانده
کرك (شیخ عثمان) ایله (الحوطه) ده و کرك جوارده کی متفرق
عرب قریه لرنده ، حتی قارشی افریقا ساحلنده نفوذ و شهرت عظیمه

بالذات کورمش ، تجربه ایتمش ، اقوام زنجیه نک بو عرب تجارلری
بویوک بر حرمتله تلقی ایله دکلمی اکلامش اولدقلمدن افریقایی
خرسیتیانیت قویق ایچین ، سقط اهالیسنی آله ایتمی الی قطعی تدبیردن
عدن ایتمشدر ؛ بو وسعت نظر ، بو طول امل ، بو عظمت تشبث جداً
بادیء عبرت دکلمدر ؟ (اوغاندا) میسیونری (ماکی) ک مطالعاتی
نظر دقته هان آلمش ، بسقپوس (فرنج) اسمنده بر راهب (مسقط)
وظائف ارشادیه سنی تعهد ایله یوب اوراده ترک حیات ایتمشدر .

امریقالی « زه ویمر » دیورکه :

« ایشنه بوسقپوس (فرنج) حتی راهب (ماکی) ک تصورندن
فضله افکارینی سامعلرینک ساده قولاقلمینه دکل ، قلبلرینه قدر ایصال
ایده جک بر کمال علمی و قدرت لسانییه کب حائز ایدی . »
بوراده قارئلمزه هرستان میسیونرلرینک مقدمه جیشی اولان
عدن میسیونری (کیت فالقونر) ک مساعیدن بر نبذه بحث ایله من
ایسه ک بوسلچرورانه اهل صلیب سفرلرینک جدیت و شدتندن صورت
لازمه ده خبردار ایلمه مش اولورز .

(کیت فالقونر) اساساً انکلتزده بویوک برعائلیه منسوب اولدینی
حالده فوق العاده بر تحصیل ایله تمیز ایتمش ، بالخاصه عبرانی و عربی
لسانلرینی صورت مکملده اوکرتمشدی . حتی هنوز کنج ایکن
الملاقات و الحریری کبی کوچ آثار عربیه یی پک سهولته اکلایوردی .
مؤخرأ عربستانده نشر خرسیتیانیت فدائیلری سلکنه خواهش قلدیسینه
داخل اولوب ۱۸۸۵ سنه سنده زوجه سی ایله برابر عدن اسکله سندن
عربستان طوبراغنه قدم نهاده اولمشدر . انجق نفس عدن قصبه سنده
تأسیس مرکز ایلمه جک یرده آنک جهت شالیسنه مصروف اولان
شیخ عثمان حوالیسندن ساحه فعالیتنی انتخاب ایلمه مش ایدی که :
بو خصوصه ارئه ایتدیکی اسباب کندی طرفندن بوجه آتی ایضاح
و تعداد اولنور .

« عدن شهرینک اهالیسی شونلردن مرکبدر .

(۱) عربلرکه هان جمله سی سنی و مذهب شافعی به سالکدرلر .
(۲) افریقاییلرکه : هان اکثری صومالی اولوب بونلرده شاقمیدر .
(۳) موسویلر (۴) قسم اعظمی اسلام ، متباقیسی هندو دینه
منسوب هند اهالیسی و بر مقدر پارس ایله (غاوا) شهرندن کلن
پورتکیزلیر . ۱۸۷۲ سنه سنده شهرده هر بش عربیه مقابل موجود
صومالیلرک عددی اوچه بالغ دکل ایکن ایوم (یعنی ۱۸۸۵ ده)
هر ایکنسنک نفوسی مساوی اولدینی بیان ایدیلمور و عربلرک صومالی
اسلاملری نفوس عمومیه نک قسم اعظمیسنی ، یعنی تقریباً درتده بشنی
تشکیل ایله یور . ۱۸۷۲ ده موسویلرک عددی ۱۴۳۵ اولدینی حالده
بو کون (۱۸۸۵ ده) ایکی بیکی متجاوزدرلر . آوروپاییلر ایسه
درت بیکه قریبدر . عدن ک اقلیمی ممالک حاره ایچنده صحتیه نافع
ع اولنه بیلیر . بوراده بش سنه متادیا بولنان حکومت دو قوتورینک
تأمینات واقعه سنه نظراً عدن حوالیسندن میسیونرلر ایچین صحتلرندن

(کیت فالقونز) ک نصل چالیشقان بر آدم اولدینغی آ کلاوق ایچین شونی ده سویله یه لم :

مومی الیه لوندره یه عودتنده برمدت (کبرج) دار الفنونسنده عربی معلمکی ایتش و مساعیسی آرسنده « مکیه حج » عنوانلی مشهور lecture (لکچر) نی میرانه کتیرمشدی . بو اثری یازمق اوزره متعدد لسانلرده برچوق کتابلر او قودینی کبی فلمنک لساننده یازمش تک برکتابی او قویا بیلیمک ایچین ده فلمنکجه نی او کرمشدر ! انکلیرلر بیله بو آدم حقنده « طبی ناپولیون بوناپارت کبی آنک لغت کتابنده » غیر ممکن « کلهسی موجود دکلدی . دیورلر .

کیت فالقونز ایکنجی دفعه عدنه بتون اشیا ورفقاسیله کلدیکی زمان انکلتره یه سویله یازمشدی :

« کلیرکن جده یه اوغراقق؛ چوق تأسف ایتدیمکه : قارانتینه شهره چیقمازده مانع اولدی . مکه (مکرمه) نی انظار مزدن صاقلایان تپه لره اوزون اوزون باقدم ... »

بو آدم ۱۸۸۷ سنه سنده (شیخ عثمان) ده وفات ایتدی . عربستانده ایستدیکی قدر چالیشه مدی . لکن وجوده کتیردیکی مؤسسات الان باقی و آچدینی طریق مساعی ایسه کمال کرمی ایله ایشله یور . خصوصیه آچلمش اولان مکتب قید اسارتدن قورتاریله رقی خرستیان مذهبنده بو یودیلان اطفال ایله دولمشدر . (کیت فالقونز) میسیونر هیئت معاونتری ایله شیخ عثمانک یوزلرجه میل اطرافنده کی اهالی یه موجودیتلرینی احساس ایلهدکلرینی او قووروز . حتی آمریقالی (زه ویمر) دیورکه :

« یمن داغلرندن اسلامیت تعصبی ، باطل اعتقادلرینی قالدیرمه یک چوق چالیشیور و موق ده اولیور ، ۱۸۹۸ سنه سی ظرفنده میسیونر خسته خانه سی یاتمق ایچین قبول ایدیلرندن ماغدا ۱۷۸۰ خارجی خسته یه معاونت طیبه ده بولمشدر ! »

شیمدی برارده میسیونرلک عالمک باشقه بر شخصیت مشهوره سنه و (مسقط) اما لغنه عطف تدقیقات ایدلم :

یوقاریده مسقط میسیونرلکینی ایلمک دفعه قبول ایدنک بسقیوسی (فرنج) اولدینغی بلمناسبه سویلش ایدک . بو آدم عمرینک تام قرق سنه سنی اکثر اقسامی سیاحت مهله که ومنیده ایله مرور ایتک اوزره دین اسلام علمنه یه ملل اسلامیه ایچنده بر اهل صلیب سفرینه وقف ایتش ، ایلمک دفعه هندوستانک شمالنده کی کشمیر قطعهنسک مشهور (لاهور) ده میسیونرلک مرکزی تشکیل ایتش ، علمای اسلامیه ایله برچوق مناقشات دینه ده بولمش ، علی الدوام عرب لسانیه متکلم اهالی آرسنده دولاشه رقی سوریه ده ، بغدادده و تونس خطرلنده بولسانده تکمله چالیشدینی کی آناتولینک اقسام شمالیه سی ایله ارنستانده دخی بولمشدر . بو آدم دیمش درکه : « اراده الهیه نک بزنی ایش باشنه چاغیردینی تظاهر ایدنجه جهانده هیچ برشی یوق درکه : فدا ایتیه لم ؛ نه وطن ، نه روح ، نه چوق ، نه حیات ! »

فی الحقیقه سقیوس (فرنج) تام آلتش آلتی یاشنده ترک حیات

قازانه بیلیر . الحبق جراح وظیفه سنی درعهده ایدن ذاتک مسلکنده جدآ ماهر اولماسنی لزومی تکرار ایدرز؛ چونکه : عربلرجهالتلری مقتضاسی اکثریا یاره لری تداویسی مشکل اوله جق بردوره یه کیرمه دکجه جراحه مراجعتی تعقل ایتلر؛ و مراجعتلری تقدیرنده سریع برتداوی یه نائل اوله مازلرسه اعتمادلرینی غائب ایدوب آرتق کرک جراحه و کرک دو قسوره اهمیت ویرمز . عدن حکومت جراحی بوجهتی بکا کال اهمیتله توصیه ایتش و (شیخ عثمان) ده ایفای وظیفه ایدن ویرلی اها ایلدن بر جراح وکیلک عدم اهلیتی حسبیه کندیسنندن بر فائده کورمه یین خسته لک (عدن) ه حکومت خسته خانه سنه مراجعتی فضله وفائده سز بر کلفت عد ایتدکه اولدقلرینی سویله مشدر . بونلره علاوه میسیونر مرکزیه اکا متعلق بنارک مزروع اراضی و آغاجقلر ایچنده اولماسی لازمدر؛ بو حال دهها جاذب بر منظره عرض ایله یه جکی کبی چوققلر ایچین ده فائده لیدر . بوتون بوشیلرک ایسه (شیخ عثمان) حوالیسنده وجوده کتیرمه سی ممکن اوله بیلیر؛ چونکه بوراده صو مبذول طوپراق منبتدر . عدن ده ایسه هر طرف یانیق ، چراق ، طاشقلدر .

« شیمدی (شیخ عثمان) ی انتخابک سبیلرینی تلخیص ایدیم :

(۱) (شیخ عثمان) ده عدن ده اولدینغی کبی حکومتک مؤسسات خیره سنک رفاقتندن قورتیلیرز ، ذاتاً حکومت ده بزم (شیخ عثمان) ده یرلشمه مزدن ممنون اولور .

(۲) شیخ عثمانک اقلیمی دهها ایدر . بحر محیطک سرینلشدیریمی روزکارلرینه دهها معروض بولندینغی کبی اراضی ده بر کره حرارتی بلع ایتدکن صو کره اعاده ایله مز .

(۳) اراضی منبتدر . ایکی اوچ خصوصی باغچه ایله حکومت باغچه سنک حالی بوکا دلیدر . عدنده مناسب موقعه ده یوقدر .

(۴) شیخ عثمان داخله کیدن طریقک سکزمیل ایچریسنده بولندیغندن قبائل ایله تماس چوقدر؛ خصوصیه عدن ده کی برچوق اخلاقسز آوروپا لیرک تشکیل ایده جکی سوء مثالردن برابر ... »

اوزون برراپوردن مقتبس اولان شوسطرلر (فالقونز) ک ایشه نه متین بر اساس ایله باشلادینغی کوستیرر . شایان دقت درکه : مومی الیه بوندقیقانه بولندقدن صو کره تکرار انکلتره یه کیدوب اسقوچیه سربست کلیساسنک اجتماع عمومیه سنده « محمدیلک و محمدیلر ارسنده میسیونرلک » اوزرینه مشهور بر نطق ایراد ایتش ، بوتون مصارفاتی کندی کیسه سنندن تسویه ایتدیکی کبی کلیسادن رفاقتنه ایسته دیکی بر میسیونر ایچین ده یه کیسه سنندن سنوی اوچوز انکلیر لیراسی تأدیه ایتکی و میسیونر ایله زوجه سنک عدنه قدر مصارف راهیلرینی ویرمکی تمهد ایتشدر !

حیات فداکارلغندن صرف نظر ، نقداً بیله اسلام لرمز ایچنده کی ارباب ثروتک ، اخوان دینرک سلامت دنیویه وسعادت اخروییه سی اغورنده بودرجه لک بر فداکارلغده بولندقلرینی عجبانه زمانلر ایشیده جکر؟

ایتدیکی زمان مسقط اقلیمک غیر قابل تحمل حرارتی آلتنده و ایصنر، وحشی بادیه لرك کنارنده بش آلتی آرشین بزدن عبارت چادیرینی قورمش، یاننده بر ایکی خدمتجیسی اولدیغی حالده جزیره العربک اعماقه دوغرو صوقولق اوزره بولمشدی .

بسقبوس (فرنج) روزنامه سنک برینده دیورکه :

« یولده حدیدهیه اوغرادق ، غایت امید بخشا برکون کچیردم . ایجابات احوال دولایسیله صفایه حقیقه مادیغمه پک مکدرم . حدیدهده برچوق عربی انجیل داغیتیلدق اوزره حاضر در . بوراده کی انجیل موزعی (ستفانوس) نامنده موسویلکدن دوئمہ برذآندر ؛ عربجهیه وقوف مکملی واردر . یمن والیسی عربجه انجیللرک یمن حوالیء داخلیه سنه سوقنه شدیداً ممانعت ایدور ، لکن صنعا وجواری یهودیلری ایچین حدیدهیه کتیرلمش اولان عبرانی انجیللر برهفته اول حوالیء جبلیهیه سوق ایدلدی . . . »

بغداد ویندن ، مسقطده میسیونر مرکزینک اهمیتی بالتقدیر لازم کن فداکارلق ابدال اولاندقدن صوکره انکلتره ایله آمریقایه مندوب برقاچ میسیونر جمعیتنده بالاتفاق بصریه هجوم ایتدکلری، کورویورز؛ شوراسی شایان دقت درکه عصیت اسلامییه بیلن واخوان دینز آره سنده مرتدلرک نه درجه نادر بولندیغنی بالتجربه آکلایان خزستیان میسیه نزلینک ایچنده بوخصوص ایچین انخاب ایدیلن مأمورلرک علم طلبه ، فن جراحی به آشنا بولماسنه بالخاصه اعتنا ایدلمشدر ، میسیونرلرک هر درلو منافع شخصه دن آزاده اوله رق ، حکومتک دست معاونت و شفقتندن دور داغ قووقلرنده قالمش ، عادتا درجه حیوانیتیه یا قلاشمش برطاقم زوالیلره قارشى اولا : هر درلومعاونت انسانیتکارانه ایله حلول ایتهلری فی الحقیقه ایشه ک موافق صورتده باشلامق عد اولنه بیلر .

بصرهده میسیونرلرک هریدن زیاده غیرتله چالشدقلى آکلاشیلور ، چونکه : سوریه اهالیسنندن اولوب اسلامیق ترک ایله عبدالمسیح اسمیه توسیم ایدلمش و میسیونرلره اسلام عربلری آره سنده پک بویوک معاونت کوسترمش اولان (کامل) ک وفاتندن صوکرده بصرهده میسیونرلر ایله حکومت محلیه آره سنده برچوق اختلافلرک ظهورینی وینه بصره اهالیء اسلامیهنندن اولوب زوجیه سیله برابر تنصر ایدن و اویولده چالیشان یعقوب اسمنده برینک حکومت طرفندن توقیف اولندیغنی کورویورز .

ینه بوآرملق بصرهده کی برطاقم انجیل موزعلری ده توقیف ایدیلور ، انجیل دپوسی قابادیلهرق کتابلر مصادره اولنیور ، و میسیونرلرک اقامتکاهی اوکنه برژاندارمه وضع ایدیلور . حتی مقام ولایتدن باب عالی بوپروستان راهبرینک مملکتدن اخراجی ایچون مساعده طلب اولنیورسه ده طبیعی حکومت بعض اسباب سیاسیهن دن دولایی بوکا موفق اوله مایور . نهایت ایشلرینه ینه اسکی روش مترقیسنی آلیور . یوقاریده دخی بحت ایله مش ایدک . حکومتک بوکبی تدابیری آچی

برموقیتسرلکدن ، سربستی مذاهب دیه باغیران ، انی قبول ایدن حقوق مدونه اخیره وقوانین سیاسییه قارشى چالده قارشى دورمغه چالشمش اولقدن فضله برنتیجه حاصل ایتز . « دشمنک سلاحنی آله رق آنکله کنندیکنزی مدافعه ایدیکزا » مائل حکیمانهنسنده بیاناتده بولمش اولان حضرت رسول مجتبانک امرعایشسانلری موجنبجه میسیونر استیلارینه قارشى آنلرک قولاندقلى معاونت مادیه ، معنویه ، ارشاد علمی و دینی سلاحلری ایله اخوان دینزى نورلاندریق ، هدایت حقیقیه کی کوسترمک ، مع التأسف یوزده طقسان دو قوزمک آکلایامادیغی ، قیمتنی بیامه دیکی اوخزائن دین مبینی آنلرک کوزلری اوکنده شعشعہ پاش ایله مک لازمدر . یوقسه (لا اکراه فی الدین) بویورن بویورن مبین اولادلرینی محضا کندی همتسزاکمز ایله الدن چبقاردندن ، آنلری اسلامیت ایچنده کچن بوتون سنین حیاتیه لرنده - حین حاجتده اقناعات باطلهء خارجییه مقابلهیه مقتدر قیله حق - بر ایمان تام ، برحکمت اسلام ایله تسلیح و تقویه ایدمه دکدن صوکره (العلماء ورثة الانبیا) منطوق فخر انکیزینه نصل ادعای نسبت ایله مک ممکن اولور . مدارسک بیکانه سقفلری آلتنده ، کتبخانه لرك توزلی رافلرنده دوران علوم و حکمیاتک حیات معرفته فائده سی نصل هیچ ایسه تشرف ایتش اولدقلى نعمت علمک نورارشادیلره دینداشلرینی و بلکه دیندائی اولمایانلری تنویر ایتمین علمانک قیمتیه ده بویله هیچدر وحتی « مال موروث انیسایی پیوده یره حبس و یا اسراف ایله مک » جمله سی بوتون معناسیله بوسددده قولانیله بییرا

بصره دن صوکره هر نه قدر بعض مرتبه مشکلات ایچنده ایسه ده (بحرین) ده دخی برانجیل دپوسی آچیلمش ، شایان دقت درکه : برنجی سنه تشبث نهایتنده یالکیز پاره ایله ایکی یوز نسخه انجیل صائشدر . بحرین کبی اهالیسی بالیقجیلق ، انجی صیادانی ایله تیش ایدن بر ایکی ایصنر آطه اهالیسی آره سنده بوایکی یوز انجیلک پاره ایله صائیله بیلمه سی ایسه جدا . برموقیت عد اولمغه سزا کورلمشدر ، آشاغیکی جدول بصره ، میسیونر مرکزیه بوتون شعباتده مسلمانلره صائیلان انجیللرک مقدارینی اشعار ایدر :

سنه	فروخت ایدیلن عدد کتب	سنه	فروخت ایدیلن عدد کتب
۱۸۹۲	۶۲۵	۱۸۹۶	۲۸۰۵
۱۸۹۳	۷۲۵	۱۸۹۷	۱۷۷۹
۱۸۹۴	۱۷۶۰	۱۸۹۸	۲۰۱۰
۱۸۹۵	۲۳۱۳	۱۸۹۹	۲۴۶۴
		۱۹۰۰	۳۷۰۰

شومقالا تمزی نه قدر تطویل ایتسه ک ، مع التأسف دین مبین محمدی علمهنسه رفع لوای تخریب ایله ن و مدهش برعزم وفداکاری ایله چالیشان برچوق خرسدیان جمعیات دینیه سنک و بونلره مندوب اشخاصک متادی و مسلسل اجرا ات واسعه سنه مداخله اتمکدن باشقه برشی پامش اولیه جغز . خصوصیه بومبختک شمولى فضله تفصیلاته ، تحمل

دکادر . بزه شو سطرلری علی الاستعجال ، حتی بر آرز غیر منتظم یازدیران سائق محضا علاقه دار اولان ذوات کرامت ممکن مرتبه سرعتله نظر دقتنی جلب ایدم بیلیمک ایدی . بناء علیه دردنجی مقاله مزده اشخاص متشبهه نك خصوصیاتندن قطع نظر خرسیتیانق عالمتک (اساس پروگرامنه نظراً) جزیره العربدن و بوتون اقوام نجیبه عربیه دن نهلر امید ایتدکلرینی ، بونی نصل بر مسئله علمییه فرض وحلی ایچین دینی ، اجتماعی ، سیاسی نه ماهیتده قاعدلر ، طریقلر ، اتخاذ ایله دکالرینی ایلک موثوق و صلاحیتدار منابعندن ، حتی کندی لسانلرندن تدقیق ایله مطالعات عاجزانه مزنی دخی علاوه ایدم جکمز .

کوز تپه
علی رضا سبغی

سیاستی

وضعیت حاضره من

وضعیت حاضره من ایوم شوندن عبارتدر : بر طرفدن حکومت معظمه نك عقد صلح حقدنه اجرا ایتدکلر اولدقلری توسط ، دیگر طرفدن روسیه نك بزه قارشی تعقیب ایتدکلر اولدینی مسلتک . ذاتاً شوایکی مسئله یکدیگرینه غایت صبتی برعلاقه ایله مربوطدر ؛ اودرجهکه بریسی دیگرینک نتیجه سی در ؛ بونلری آیرمق ، آرالرنده بر خط فاصل چیزمک بیله قابل دکادر .

معلوم اولدینی وجه ایله اجرای توسط حقدنه الکیزاده اولک آباق اولان روسیه حکومتی در ؛ حتی فکر توسط بیله ایلک دفعه پترسبورغده طوغمشدر : اوچ آی بوندن اقدام روس حکومتی دول معظمه یه مراجعت ایدم رک عثمانلی - ایتالیان محاربه سنه نهایت ویرلمه سی لزومی درمیان ایتدشدی . فقط اوزمان روس دیپلوماتلرینک فکری آوروپا به تصویب ایدیلده دی . آوروپا هیئت دولیه سی آراسنده اوزمانلر ایتالیایی اولاق ، کندی طرفنه جلب ایتدکلر ایچون بیوک بر رقابت حکمفرما ایدی . انکلتره - فرانسه بر طرفدن ، آلمانیا - اوستریا دیگر طرفدن ایتالیایی عادتاً اوخشا یورلردی . سبب ، اتفاق مثلث مقوله نامه سی مدتک نهایته ایریشمک زماننک یا فلاشه سیدی : طرفین میسانده ایتالیایه خوش کورونمک مسابقه سی آچامشدی . ایتالیایه رجال دولتی شو حالدن ممکن اولدینی قدر فضله استفاده ایتدکلر مسلتک تعقیب ایدیور ، کاه بر طرفه ، کاه دیگر طرفه میل ونوازش کوستره رک ایکی طرفی ده الهه صافلامق ایسته یوردی . فقط هر ایکی طرفده حکومت مشارالیه نك شو او یوننی آکلایه رق آلدانم یورلردی . محاربه نك اوزامسی ایکی طرف آراسنده او یونلر ایله وقت کچیرمک ایسته یین ایتالیانک مشکلات ایچنده بوغولامسی ، ایکی طرفکده ایشنه دهها زیاده کل یوردی . ایشنه بونک ایچوندرکه روسیه حکومتک عقد صلح حقدنه یا امش اولدینی ایلک توسط تکلیفنه حکومت معظمه طرفندن مساعد زمانک

دها حلول ایتدمش اولدینی جوانی ویریله رک تکلیف مذکور رد ایدلدی .

فقط بر مدت کچدکدن سوکره ایتالیایه حکومتی اوینامقده اولدینی او یونلرک الی نهایت دوام ایدم یه جکینی آکلایه رق اتفاق مثلثده قامغه قرار ویردی . ایشنه روسیه حکومتی شو وقعادن استفاده ایدم رک یکدن توسط اجرا آتته کیرمشدی . بو دفعه حکومت مذکور نك تکلیفی قبول ایدلدی . زیرا ایتالیانک متفق بولنان آلمانیا و اوستریانک ایتالیایه حکومتی کیرمش اولدینی کیربوه دن چیقارمق ایسته ملری پک طبیعی در . انکلتره و فرانسه یه کانه شو حکومتلرده متفقلری بولنان روسیه یی کوجندر مه مکت ایچون تکلیف واقعی قبول ایتدکلر مجبوریتنده بولندیلر ؛ شو قدرکه عثمانلی حکومتی اوزرینه اجرای تضیق ایتدکلر فکرینه اشتراک ایتدیلر . یعنی توسطی شرائط بی طرفانه به تمامیلر رعایت ایتدکلر و طرفینی توسطی قبول ایدوب ایتدکلر حقدنه تماماً سربست بر افاق شرطیله در عهده ایتدیلر . روسیه حکومتی چار ناچار شو شرطی قبول ایتدی . فقط توسطی شو شرط ایله قبول ایتدکلر ، یعنی عثمانلو حکومتی اوزرینه اجرای تضیقات فکریندن واز کچمک ، توسطی بالفعل عقیم بر افاق دیمکدر . زیرا عثمانلی حکومتک تا اوتنه دنبری عقد صلح حقدنه بسله مکده اولدینی افکار بتون آوروپا جه معلومدر . عثمانلور طرابلسک ایتالیایه الحاقی اساسی اوزرینه ترتیب ایدلمش اولان بر صلحه هیچ بر زمان روی موافقت کوسترمیه جکلردر . حالبوکه ایتالیاده عقد صلحه مطلقاً شو شرطک قبولی ایله راضی اولاجغنی مصرانه ادعا ایتدکلر در . ایشنه طرفین آراسنده بویله تخالف وضعیت اساسیه موجود اولدینی خالده توسطه مراجعت ایتدکلر تا اولدن موفقیتسنزلکی کوز اوکنه آلمق دیمکدر . اوت ، شو موفقیتسنزاک روسیه حکومتک عزت نفسی ، حیثیت ذاتیه سی جریحه دار ایدم بیلیر ؛ فقط عجباً حکومت مشارالیه توسط تشبته کیرشدیکی زمان بونی ده کوزی اوکنه آلمق وظیفه سیله مکلف دکلمدی ؛ تکلیف مالایطاق ایدنلر دائماً عزت نفسلرینک جریحه دار اولاجغنی بکلر ملیدرلر !

بناء علیه روسیه حکومتی عزت نفسی بیله جریحه دار ایتدیرمک قدر فداکارلغه قاتلاندران توسط حقدنه شو درجه تلاش کوسترمک سوق ایدن اسبابی اکلایه رق بر قاج کون اول بتون آوروپا مطبوعاتی وافکار عمومییه سنی صوک درجه راحتسنز ایدیوردی ؛ روسیه ایله ایتالیایه آره سنده هیچ بر خصوصی و مشترک مسائل ، یا خود منافع موجود دکادر . بالعکس ایتالیایه روسیه قارشی شدتلی بر حس نفرت بسله نیلیور ؛ حتی ۱۹۰۹ ده روسیه امپراطوری رومیایه قدر کیتدکه جسارت ایدم یه رک ایتالیایه قرالی ایله راقوننجاده کوروشمک مجبوریتنده بولندی . دیگر طرفدن روسیه نك تشبته واقعی فرانسه وانکلتره یی ده خوشنود ایتددی ؛ زیرا شو ایکی حکومت اتفاق مثلثه یکدن کیرمش اولان ایتالیانک بلا نهایت طرابلس کیربوه سنده بوغولامسی ازجان ودل آرزو ایدیورلر .